

आकाशवाणी

- चुनावोंs आयोग नै बिहार विधानसभा चुनावें थमां पैहले अज्ज अखीरी मतदाता सूची जारी कीती।
- भारत नै गाजा च टकराव खत्म करने दी अमरीका दी योजना दा कीता सोआगत, प्रधानमंत्री मोदी होरें इसी शांति तोड़ी बवहारिक रस्ता दस्सेआ।
- रक्षामंत्री राजनाथ सिंह होरें आखेआ जे भारती सशस्त्र बलें दी अंतर कार्यक्षमता ते इकजुटता नै आपरेशन सिंदूर दरान महत्वपूर्ण भूमिका निभाई।
- केंद्री राई-बाई मंत्री होरें गन्ने दी फसल कन्नै जुड़ी दी चुनौतिएं कन्नै निब्बड़ने आस्तै ICAR टीम दी घोशणा कीती।
- अज्ज पूरे देश च दुर्गा अष्टमी पूरी श्रद्धा ते धूमधाम कन्नै मनाई जा'रदी ऐ।
- ICC महिलाएं दे विश्व कप 2025 दा इक दिवसीय मैच गुवाहाटी च जारी ऐ। एह पैहला मैच भारत ते श्रीलंका बश्कार खेड़्ढेआ जा'रदा ऐ।



Electoral Rolls Bihar

बिहार विधानसभा चुनावोंs आस्तै अज्ज वोटरें दी सूची जारी कीती गई ऐ। चुनावों आयोग नै इस सूचि गी आनलाइन अज्ज दपैहरी जारी कीता। मुख्ख चुनावोंs अधिकारी बिहार मूजब मतदाताएं दी सूचि दी प्रतियां सारे जिला चुनावोंs अधिकारिएं ते जिला मैजिस्ट्रैटें गी दितियां जांगन। सारी मान्यता प्राप्त राश्ट्री ते राज्य स्तरीय राजनीतिक दलें गी बी सूचियां उपलब्ध कराइयां जांगन। एस.आई.आर. मुहिम दे मगरा मतदाता सूची दा प्रारूप

इस साल पहली अगस्त गी जारी कीता गेआ हा। एहदे च 7 करोड़ 24 लक्ख मतदाताएं दे नांs शामिल हे जिनें फार्म जमा कराए हे। 2029 दे लोकसभा चुनाएं च बिहार च मतदाताएं दी गिनतरी 7 करोड़ 89 लक्ख ही। बाच 65 लक्ख मरी गेदे मतदाताएं दे नां ते जाली ना हटाए गए हे। दावें ते ऐतराजें दी प्रक्रिया दरान 36 जहार मतदाताएं अपने नां दर्ज कराने आस्तै दावा कीता ते 2 लक्ख 17 जहार मतदाताएं दे नां हटाने दी रखास्तां दितियां। कांग्रेस राश्ट्री जनता दल दी गैं एलायंस दल मतदाताएं दा नां हटाने दा बरोध करा' रदे न।

<><><><><><>

India-US Gaza Conflict

भारत ने अमरीका दे राष्ट्रपति ढोनल् ट्रम्प हुंदी गाजा टकरव गी खत्म करने आस्तै इक व्यापक योजना दी घोशणा दा सोआगत कीता ऐ। प्रधानमंत्री नरेंद्र मोदी होरें आखेआ जे एहदे कन्नै लम्में चिरे तोड़ी चलने ते टिकाउ शांति, सुरक्षा ते विकास आस्तै रस्ता मजबूत होग जेड़ा गै फिलीस्तीनी ते इजराइल दे लोकें आस्तै जरूरी ऐ। प्रधानमंत्री होरें मेद जाहिर कीती ऐ जे सो हितधारक राष्ट्रपति ढोनल् ट्रम्प हुंदी पहल च कट्ठे होई जन ते इक टकराव गी खत्म करने दी कोशिश च साथ देन।

<><><><><><>

Israeli Ambassador India

भारत च इज्राइल दे राजदूत रेनवेन अजर होरें अमरीका दी गाजा च टकराव खत्म करने दी योजना दा समर्थन करने आस्तै प्रधानमंत्री नरेंद्र मोदी हुंदा धन्नवाद कीता ऐ। नमीं

दिल्ली च इक प्रेस वार्ता गी संबोधित करदे होई अजर होरें इस पहल गी ऐतिहासिक दस्सेआ।

<><><><><><><><>

Seva Parv NEP

सेवा पर्व दी विशेष श्रृंखला दे हिस्से दे तौरा पर अज्ज अस इस गल्लै गी उजागर करगे जे किस चाल्ली मोदी सरकार राश्ट्री शिक्षा नीति-2020 दे राएं इक आधुनिक, समावेशी ते भविक्ख लेई तैयार शिक्षा प्रणाली तैयार करा'रदी ऐ। जून 2020 च शुरू कीती गेदी राश्ट्री शिक्षा नीति दा मकसद भारत दे शिक्षा परिदृश्य गी बदलना ऐ। एह कौशल विकास, स्कूल स्तर थमां बवसायिक प्रशिक्षण, बहुभाशी शिक्षा ते बुनियादी साक्षरता पर ध्यान केंद्रित करदी ऐ। इस नीति च शैक्षणिक ते बवसायिक ढांचे बश्कार सख्त फर्क गी खत्म कीता गेआ ऐ ते समग्र ते लचीली शिक्षा प्रणाली गी बढ़ावा दिता गेआ ऐ। प्रधानमंत्री नरेंद्र मोदी होरें आखेआ ऐ जे राश्ट्री शिक्षा नीति दा मकसद मुख्य भरै च हर इक विद्यार्थी गी बरोबरी दे शिक्षा दे मौके उपलब्ध करोआना ऐ।

<><><><><><><><>

Rajnath-Triservices

रक्षामंत्री राजनाथ सिंह होरें जोर देइऐ आखेआ ऐ जे भारती सशस्त्र बलें अंतर कार्यक्षमता ते इकजुटता अज्ज दे समें दी महत्वपूर्ण जरूरत बनी गई ऐ। नमीं दिल्ली च इकजुटता गी बढ़ाने विषय पर त्रै सेवाएं पर सेमीनार गी संबोधित करदे होई सिंह होरें आखेआ जे 21मीं शताब्दी च धमकियां खरी मती मुश्कल होई गेइयां न। जमीन, हवा, अंतरिक्ष ते साइबर स्पेस बड़े गूड़े तरीके जुड़ी दियां न। उनें जोड़ेआ जे आपरेशन सिंदूर

दरान भारत ने वायु रक्षा च शानदार इकजुटता दा प्रदर्शन कीता हा जिनें निर्णायक रूप लैता हा। भारती सेना गी पूरे विश्व च इक बेहतरीन सेना मन्नेआ जंदा ऐ। राजनाथ सिंह होरें आखेआ जे आपरेशन सिंदूर दरान भारती वायु सेना दी एकीकृत एयर कमांड ते नियंत्रण प्रणाली नै भारती सेना दी आकाशतीर ते जल सेना दी त्रिगुण कन्नै रलिए सफलता दी नीह रक्खी ही।

<><><><><><>

Shivraj-ICAR

केंद्री राई-बाई ते ग्रामीण विकास मंत्री शिवराज सिंह चौहान होरें देश च गन्ने दी राईबाई कन्नै जुड़ी दी चुनौतिएं कन्नै निब्बड़ने आस्तै ICAR कृषि अनुसंधान आस्तै भारती परिषद च इक खास टीम बनाने दी घोशणा कीती ऐ। मंत्री होर वर्चुअल ढंगै कन्नै टिकाउ गन्ने दी अर्थ बवस्था पर संबोधन देआ'रदे हे। उनें दस्सेआ जे एह टीम गन्ने दी राईबाई सरबंधी नीति बनाग ते करसानें, वैज्ञानिकें ते हितधारकें थमां मशवरा लेइये अनुसंधान निर्देशक तैयार कीते जाडन। उनें जोड़ेआ जे अनुसंधान दा लक्ष्य करसानें गी लाह पजाना ते उंदे आस्तै हकीकी समाधान तुप्पना ऐ।

<><><><><><>

TN-karur Stampede

तमिलनाडू पुलस नै करूर भगदड़ मामले दे सरबंधे च 3 जनें गी गिरफ्तार कीता ऐ। तमिलनाडू वेत्री कजागम दे कार्यकर्ता मधियाजागन ते मासी पवुनराज गी करूर पुलस

तरफा समन जारी कीते गए न। तफसीली जांच मगरा इनेंगी पुलस नै गिरफ्तार कीता ते कोई अग्गे पेश कीता।

<><><><><><><><>

FICCI Deputy Air Staff

वायु अमले दे उपप्रमुख एयर मार्शल अवधेष कुमार भारती होरें अज्ज जोर देइयै आखेआ जे अग्गे दी जंग जितने आस्तै स्वदेशीकरण गै इक्क रस्ता ऐ। एयरो टेक इंपिया 2025 जेड़ा गे FICCI तरफा नमी दिल्ली च आयोजित कीता गेआ हा, च बोलदे होई भारती होरें आखेआ जे 100 फीसदी स्वदेशीकरण तेज करने दी लोड़ ऐ। उनें आने आहले समें दी जंगें दे स्हाबै जरूरतें दा तफसीली खाका पेश कीता जेदे च जोर देइऐ दस्सेआ गेदा हा जे जंगें गी जितने आस्तै नवीनता, समावेश ते आत्मनिर्भरता बदाने दी लोड़ ऐ।

<><><><><><><><>

CDS-Bio Threats

रक्षा अमले दे प्रमुख जनरल अनिल चौहान होरें अज्ज जैविक खतरे ते न्यूक्लर थेहारें कारण रेपियो प्रदूषण थमां बचने आस्तै तैयार रौहने आस्तै आखेआ। मीलिटरी नर्सरी सेवा दे 100में स्थापना दिवस पर वैज्ञानिक सत्र गी संबोधित करदे होई उनें आखेआ जे कोविड महामारी मगरा जैविक चुनौतिएं दा खतरा बददा लगदा ऐ ते इन्दे खलाफ रक्षा आस्तै मजबूत तैयारियां करनी लोड़चदियां न। जनरल चौहान होरें प्रधानमंत्री नरेंद्र मोदी

हुंदी न्यूक्लियर खतरे खिलाफ निरु भारत बनने दी गल्ल गी दोहराया। उनें रेणियोधर्मी संदूषण खिलाफ प्रशिक्षण देने पर जोर पाया।

<><><><><><>

Rajiv Ranjan Global Conference

केंद्री मंत्री राजीव रंजन सिंह होरें आखेआ ऐ जे भारत नै खाद्य सुरक्षा, जीवन जीने दे तरीके गी सेही करने ते गरीबी हआने गी पक्का करने आस्तै कई नमें ते समावेशी पहलकदमियां शुरू कीतियां न। रोम च खाद्य ते राईबाई संगठन च टिकाउ पशुधन परिवर्तन पर दुए वैश्विक सम्मेलन गी संबोधित करदे होई उनें भारत दी करसान केंद्रित शुरूआतें पर लो पाई। मंत्री होरें मवेशी धन च विकास दा श्रेय लोकें स्हाबै बनाई दी नीतिएं गी दिता।

<><><><><><>

GST-Building Material

घर-परोआरें गी इक बड़्णी राहत दिंदे होई सरकार नै जीएसटी सुधारें दे इक हिस्से दे तौरा पर जरूरी निर्माण सामग्री पर जीएसटी दरें च कटौती कीती ऐ। संगेमरमर ते ग्रेनाइट पर जीएसटी गी 12 फीसदी शा घटाइयै 5 फीसदी करी दिता गेआ ऐ ते सीमेंट पर हून 28 फीसदी दे बजाय 18 फीसदी टैक्स लाया जाग। इट्टें दे निर्माण च कम्म करने आहले कम्में पर टैक्स बी घटाइयै 5 फीसदी करी दिता गेआ ऐ जेदे कन्ने ग्रामीण घरें-मकानें ते लौहके कारोबारें गी फायदा पुज्जा ऐ। इस गें कन्नै निर्माण लागत घट्ट होग, आवास क्षेत्र गी मदद थहोग, सरबंधत उद्योगें च रोजगार पैदा होग ते आयात पर

निर्भरता घट्ट करियै प्रतिस्पर्धा च सुधार होग। जम्मू-कश्मीर दे लोकें बी इस गैं दा सोआगत कीता ऐ।

<><><><><><>

Navratri

नरातें दे 8में रोज श्रद्धालुएं दुर्गा मां दे महागौरी रूप दी पूजा-अचर्ना कीती जेड़ियां बुराई पर अच्छाई दी जित्त दा प्रतीक न। राष्ट्रपति द्रोपदी मुर्मू, प्रधानमंत्री नरेंद्र मोदी ते केंद्री गृह मंत्री होरें देश च ते देश दे बाहर रवा'रदे भारतीयें गी दुर्गा पूजा दी शुभकामनां दित्तियां न।

<><><><><><>

Assam-Durga Puja

असम च दुर्गा पूजा बड़े जोश ते श्रद्धा कन्नै मनाई जा' रदी ऐ। राजधानी गुवाहाटी च गैं 500 दुर्गा पूजा पंणाल सज्जे दे न। सारी पूजा कमेटिएं बक्ख-बक्ख विशेसार दे आधार पर पूजा पंणाल सजाए दे न तां जे मते कोला ते श्रद्धालु पंणाल च आइये माता रानी दा अशीर्वाद हासल करन। इनें पंणालें च श्रद्धालु दुर्गा मां दी पूजा बड़ी श्रद्धा कन्नै कट्ठे रलिए करदे न। इस साल दुर्गा पूजा दे त्यौहार पर महान गायक जूबिन गर्ग दी मौत दा असर दिक्खने गी लब्बा'रदा ऐ। तकरीबन सारें पंणालें पर उंदे गैं गीत बजाए जा' रदे न ते उंदी यादगीर च पंणालें च इक खास थाहर बनाई गेदी ऐ।

<><><><><><>

LG-Obeisance

उपराज्यपाल मनोज सिन्हा होरें अज्ज महाअष्टमी दे पावन मौके पर पवित्र श्री माता वैशणो देवी जी दी गुफा च मत्था टेकेआ। इस मौके उपराज्यपाल होरें रिवायती रस्में गी अंजाम दिता ते केंद्र शासित प्रदेश दे सब्बने बसनीके दी शांति, खुशहाली ते कुशलता आस्तै प्रार्थना कीती। एल.जी होरें लोकें गी गर्मजोशी कन्नै मुबारकबाद दिती ते उन्दे सेहतमंद रौहने दी कामना कीती। तोआई, नरातें दा उत्सव श्रद्धा ते उत्साह कन्नै जारी ऐ। पैहले 7एं नरातें च 1 लक्ख 50 जहार शा मते श्रद्धालुएं वैशणो देवी जी दी पवितर गुफा च मत्था टेकेआ।

<><><><><><>

Women World Cup

हुन खबर महिलाएं दे क्रिकेट विश्व कप दी। भारती महिला क्रिकेट टीम नै 6 विकेटें दे नुकसान पर 39 ओवरें च 204 रन्ज बनाए न। श्रीलंका नै टास जित्ति ऐ पैहले गेंदबाजी करने दा फैसला कीता। हरमनप्रीत कौर दे नेतृत्व च भारतीय टीम 47 बरें दे इंतजार गी खत्म करदे होई पहला आई.सी.सी खिताब जितने दी राह पर ऐ। वुमन्स वर्ल्ड कप 2025 च 8 टीमां न जेदे च भारत, श्रीलंका, आस्ट्रेलिया, इंग्लैंड, न्यूजीलैंड, दक्खन अफ्रीका, बांगलादेश ते पाकिस्तान खेए रदियां न। एह टीमां भारत च 4 बक्ख-बक्ख थाहरें पर 28 लीग मैच खेड्डन। 1 मैच कोलंबो च बी खेड्डेआ जाग। भारत ते

पाकिस्तान बशकार रोमांचक मुकाबला अगले म्हीने दी 5 तरीक गी कोलंबो च खेड्ढेआ जाग।

<><><><><><>

World-Para athletics

योगेश खटुनिया नै विश्व पैरा एथलेटिक्स चैंपियनशिप च चांदी दा तगमा जितेआ ऐ। दो बारी पैरालंपिक चांदी दा तगमा हासल करी चुके दे ते अर्जुन अवारि विजेता होरें मर्दे दे षिस्क थो च दुई कोशिश च 42.49 मीटर दा बेहतर प्रदर्शन कीता। एह मुकाबला नमी दिल्ली दे जवाहर लाल नेहरू स्टेडियम च होआ। ब्राजील दी क्लाउडिने बतिस्ता नै 45.67 मीटर दी थो कन्नै सुन्ने दा तगमा जितेआ। ग्रीस दी कोनस्टांटिनोस जाउनिस नै 39.97 मीटर दी थो कन्नै कैंस दा तगमा अपने नांस कीता।

<><><><><><>

LG-Yuva Shakti

जम्मू-कश्मीर दे उपराज्यपाल मनोज सिन्हा होरें जम्मू च इंदिरा गांधी नेशनल सेंटर फॉर आर्ट्स ते जम्मू दे संभागीय प्रशासन आसेआ आयोजित विकसित भारत के रंग कला के रंग कार्यक्रम दे समापन समारोह च हिस्सा लैता। इस मौके पर विद्यार्थिं गी संबोधित करदे होई उपराज्यपाल होरें जम्मू-कश्मीर दी युवा शक्ति दी सराहना कीती ते उनेंगी बदलाव दे अगुवाह बनने लेई आखेआ। उनें आखेआ जे भारत गी नजरिए ते कारवाइएं स्हाबै विकसित मुख्य बनाने आस्तै युवाएु दी बड़ी मती जिम्मेदारी ऐ। सेवा पर्व दी गल्ल करदे होई उनें आखेआ जे सेवा पर्व युवाएं गी भविक्ख दिएं चुनौतिं कन्नै निब्बड़ने लेई तैयार करा'रदा ऐ ते उन्दे च सकारात्मक बदलाव आहना रदा ऐ।

रचनात्मक ते किश करिए दस्सने दी भावना उनेंगी भविक्ख दे नेता, अगुवाह ते निर्माता बनाग। ओह भारत दे विकास गी रूप देडन।

<><><><><><>

Trains-Resume

उत्तर रेलवे नै घोशणा कीती ऐ जे अगस्त म्हीने भारी बरखा ते हाड़ें करी क्षतिग्रस्त होई दिएं पटरिएं दी मरम्मत कीते जाने दे बाद जम्मू रेलवे स्टेशन थमां लम्मी दूरी आहली 8 रेल गड़ियां 2 अक्टूबर थमां परतियै शुरू होई जाडन। जम्मू-पठानकोट ते जम्मू-कटड़ा रूटें पर रेल सेवां बुरी चाल्ली प्रभावित रेइयां जेदे चलदे 50एं शा मतियां रेल गड़ियां स्थगित करी दितियां गेइयां हियां। सेवाएं गी हून बल्लें-बल्लें बहाल कीता जा'रदा ऐ। प्रभावित हिस्सें दा बरोबर आंकलन करने दे बाद एह फैसला लैता गेआ ऐ। सीनियर प्रिविजनल कमर्शियल मैनेजर उचित सिंघल होरें इस गल्लै दी तसदीक कीती ऐ जे रेल पटरियें दी सुरक्षा पूरी चाल्ली यकीनी बनाने दे बाद गै रेल गड़ियां परतियै शुरू होई जाडन। यात्रियें गी सलाह दिती जंदी ऐ जे ओह नमें कार्यक्रम आस्तै उत्तर रेलवे दी वेबसाइट दिक्खन।

<><><><><><>